

ԽՐԱՆԻԿԱ

Ա. Բ. ԲԱՂԴԱՍԱՐՅԱՆ

20-ՐԻ ՄԻՋԱԶԳԱՅԻՆ ԱՇԽԱՐՀԱԴՐԱԿԱՆ ԿՈՆԳՐԵՍՐ

Այս տարվա հուլիսի 20-ից մինչև 28-ը կոնգրեսում կայացավ 20-րդ Միջազգային աշխարհագրական կոնգրեսը¹։ Սովետական աշխարհագետների 30 մարդուց բաղկացած պատվիրակությունը, որի կազմում էին նշանավոր ֆիզիկական և տնտեսական աշխարհագետներ, քարտեզագետներ, կլիմայագետներ, հիդրոլոգներ, գեոմորֆոլոգներ, բիոաշխարհագետներ և աշխարհագրության այլ բնագավառների ներկայացուցիչներ կոնգրես ժամանեց հուլիսի 20-ին։

Կոնգրեսի պաշտոնական բացումը տեղի ունեցավ հուլիսի 21-ին ժամը 10 անց կեսին Ալբերտհոլ նշանավոր համերգային դահլիճում։ Հուլիսի 21-ին կոնգրեսը բացեց Անգլիայի թագուհի Ելիզաբեթ 2-ը, նշելով աշխարհագրության կարևոր դերը մարդկության կյանքում։ Նա հաջողություն ցանկացավ կոնգրեսի մասնակիցներին։

Կոնգրեսը ողջունեցին Միջազգային աշխարհագրական միության պրեզիդենտ Կ. Տրոլը և Բրիտանական արքայական աշխարհագրական ընկերության պրեզիդենտ, պրոֆ. Դ. Ստամպլը։

Այնուհետև կոնգրեսի աշխատանքները շարունակվեցին նրա իննը՝ բնակչության և բնակավայրերի, տնտեսական աշխարհագրության, կլիմայագիտության, հիդրոլոգիայի, օվկիանոսագիտության և սառցաբանության, բիոաշխարհագրության, գեոմորֆոլոգիայի, պատմական աշխարհագրության, կիրառական աշխարհագրություն, ռեգիոնալ աշխարհագրության և քարտեզագրության սեկցիաներում։

Կոնգրեսի հետ միաժամանակ տեղի էին ունենում Միջազգային աշխարհագրական միության՝ ղեկավար օրգանների և 17 հանձնաժողովների նիստեր։

Առանձնապես ակտիվ անցան Տնտեսական շրջանացման, Ազգային աստիճանների, Ծովափերի էվոլյուցիայի, Հողերի օգտագործման, Արիդ զոնայի, Աշխարհագրության դասավանդման և Բժշկական աշխարհագրության հանձնաժողովների նիստերը։

¹ Միջազգային աշխարհագրական կոնգրեսը տեղի է ունեցել 1871 թ. Անսվերպենում։ Այդ ժամանակից սկսած պարբերաբար 4 տարին մեկ աշխարհի գիտնական աշխարհագետները հավաքվում են միջազգային համաժողովի, որտեղ քննարկվում են այդ գիտության կարևորագույն պրոբլեմները։ Այս տարվա կոնգրեսը 3-ն էր Մեծ Բրիտանիայում (1895 թ. կոնգրես, 1928 Քեմբրիջ)։

² Միջազգային աշխարհագրական միությունը (ՄԱՄ) հիմնադրվել է 1922 թ. աշխարհագրական ուսումնասիրությունները և պրոբլեմները կոորդինացնելու, միջազգային կոնգրեսները անցկացնելու և այլ նպատակներով։

20-րդ Միջազգային աշխարհագրական կոնգրեսը հիմնականում նվիրված էր աշխարհագրության գործնական-կիրառական հարցերին, այդ պատճառով էլ մեր կարծիքով, առանձնապես աշխույժ անցան տնտեսական և կիրառական աշխարհագրության ու քարտեզագրության սեկցիաների աշխատանքները: Առաջին երկու սեկցիաներում յսյն կերպով քննարկվեցին նոր ազատագրված երկրների աշխարհագրությանը նվիրված բազմաթիվ հարցեր: Հետաքրքիր է այն հանգամանքը, որ այդ երկրների աշխարհագետները հակահարված էին տալիս արևմտյան առանձին գիտնականների փորձերին զարգացող երկրների տնտեսական հետամնացությունը բնական պայմաններով և բնակչության ռանդոմական լինելով բացատրելուն:

Առանձնակի հետաքրքրություն էին ներկայացնում շատ տեղերում կազմակերպված քարտեզագրական ցուցահանդեսները, որտեղ ներկայացված էին տարբեր երկրների քարտեզագրական արտադրանքի նմուշները, որոնց մեջ գերակշռում էին բնակչությանը և բնակավայրերին, ինչպես նաև հողօգտագործման պրոբլեմներին նվիրված քարտեզները և զանազան ատլասները:

Այդտեղ ցուցադրված սովետական աշխարհագրական և քարտեզագրական հրատարակությունների կոլեկցիան մեր պատվիրակությունը նվիրեց Անգլիայի արքայական աշխարհագրական ընկերությանը:

Սովետական աշխարհագետները ակտիվ կերպով մասնակցում էին բոլոր սեկցիաների և հանձնաժողովների աշխատանքներին: Նրանց ղեկուցումները մեծ հետաքրքրություն առաջացրին կոնգրեսի մասնակիցների մեջ:

Քարտեզագրության սեկցիայում կարգացվեց նաև «Անդրկովկասյան ռեսպուբլիկաների ազգային ատլասները» թեմային նվիրված ղեկուցումը (դոց. Ա. Ֆ. Ասլանիկաշվիլի, պրոֆ. Ա. Բ. Բաղդասարյան և պրոֆ. Ս. Հ. Ռուստամով):

Տեղի ունեցան Միջազգային աշխարհագրական միության ղեկավար օրգանների ընտրությունները: Միության պրեզիդենտ ընտրվեց նշանավոր հնդիկ աշխարհագետ, Կալկաթայի համալսարանի պրոֆեսսոր Ս. Ռ. Չաթերջին, որը 1958 թվականին այցելել էր Սովետական Հայաստան: Փոխպրեզիդենտներից մեկն ընտրվեց սովետական ակադեմիկոս Ի. Պ. Գերասիմովը: Սովետական շատ գիտնականներ ընտրվեցին Միջազգային աշխարհագրական միության զանազան սեկցիաների նախագահ, անդամ և թղթակից անդամ (տողերիս հեղինակը ընտրվեց ՄԱՄ Ալգային ատլասների հանձնաժողովի թղթակից անդամ):

Կոնգրեսն ավարտելուց հետո Սովետական պատվիրակությունը շրջաօլություն կատարեց Մեծ Բրիտանիայի հյուսիսային և կենտրոնական մասերում:

Օգտվելով առթից, ես և պրոֆեսոր Խ. Պ. Պողոսյանը Լոնդոնի հայ տանը հանդիպում ունեցանք քաղաքի հայկական համայնքի ներկայացուցիչների հետ և նրանց պատմեցինք Սովետական Հայաստանի նվաճումների մասին: